

文帝二年遣大中大夫陸賈諭南粵王趙佗稱臣奉貢

武帝元鼎六年冬遣伏波將軍路博德等平南衛置合浦及南海蒼梧鬱林交趾九真日

南七郡

元封五年初置交趾郡刺史領七郡

成帝綏和元年春三月設合浦郡都尉

漢書郡尉

秦官掌佐守典武職甲卒比二千石景帝更名都尉至是詔邊郡置都尉及千人司馬皆不治民交趾合浦亦有郡尉治

平帝元始五年冬十二月王莽廢中山王后

衛氏徙合浦

光武建武四年夏四月交趾牧鄧讓卒合浦

太守遣使奉貢

十六年春二月交趾女子徵側徵貳反合浦

蠻俚皆應之

漢書徵側者菴冷縣徯將之女也嫁為朱鸞人詩索妻甚雄勇

交趾太守蘇定以法繩之側忿故反以其

女弟徵貳為副于是九真日南合浦蠻俚

皆應之凡掠六十五城自立為王都處冷

交趾刺史及諸太守僅能自守帝乃詔長

沙合浦交趾具車船修道

備通障豁儲糧穀

十七年遣伏波將軍馬援討交趾

漢書馬援為虎賁中

郎將璽書拜伏波將軍以扶樂侯劉隆為副督樓船將軍段志等南擊交趾軍至合浦病卒詔援并將其兵遂沿海而進隨山刊道千餘里十八年春至浪泊上與徵側等戰大破之斬首數千級降者萬餘人追至禁谿數敗之賊遂散走

十九年徵側徵貳伏誅援復立珠厓縣以屬

合浦

漢書斬側貳傳首洛陽嶠南悉平瓊臺志交趾既定海外慕義貢獻援始調立

城郭置井邑復立珠厓縣以屬合浦九月建銅柱於林邑界明年秋振旅還京師

安帝元初三年春正月合浦及鬱林蒼梧蠻

反二月遣侍御史任連督州郡兵討之三

月丙辰赦吏民為賊所迫者 冬十一月降蠻

光和元年春正月合浦交趾烏滸蠻叛烏滸蠻在

廣州之西南交州之北合浦故疆也其地有烏蠻灘焉廣州記其俗食人以鼻飲水

口中進噉如故

四年夏四月交趾刺史朱儁討蠻破之漢書儁除

蘭陵令政有異能為東海相所表會交趾部郡盜并起牧守輒弱不能禁又交趾賊

梁龍等與南海太守孔芝反攻破郡縣拜儁刺史令過本郡簡募家兵及所謂令五

千人分兩道而入既到州界按甲不前先遣使詣郡觀賊虛實宣揚威德以震動其

心既而與七郡兵俱進逼之遂斬梁龍降者數萬人旬月盡定以功封都亭侯徵為

諱議大夫

中平元年夏六月交趾屯兵反執合浦太守

來達遣賈琮為交趾刺史討平之漢書交趾多珍產前

後刺史悉無清行上承權貴下積私賄財計羸給輒復求見遷代故吏民怨叛屯兵

反執刺史及合浦太守來達自稱柱天將軍帝詔選能吏有司舉琮琮到部訊其反

狀歲言賦歛過重京師遙遠告寬無所故聚為盜琮即移書告示使各安其資業招

撫荒散蠲復徭役誅渠帥為大害者簡選良吏試守諸縣歲間蕩定百姓以安巷路

為之歌曰賈父來晚使我先反今見清平吏不敢飯任事三年為十三州最徵拜議

郎

後帝建興四年吳黃武五年吳分合浦以北為廣

州

炎興元年吳天紀三年夏吳廣州督將郭馬等反

命合浦鬱林諸郡兵共擊之

三國

吳王權承父兄之烈恃吳越之眾分據江東

奄有荆揚薄於南海諸葛亮亦曰荆州利盡

南海

吳永安六年春二月吳立合浦北部晉書吳復合浦

郡名今立北部以都尉領之
橫州之地在漢為合浦郡高涼縣地
按此即今

吳建衡元年冬十一月吳遣監軍虞汜等帥師往

合浦擊交趾
吳志遣汜及威南將軍薛翊蒼梧太守陶璜由荆南監軍李勗

督軍徐存從建安海道皆就合浦擊交趾

吳建衡二年春三月吳蒼梧太守陶璜破交趾執

魏守將楊稷毛晃稷死於合浦
吳志璜破交趾擒殺魏守

置守將九真日南皆還屬吳時稷等城中食盡死亡者半將軍王約反降吳人得入

城獲稷晃皆囚之稷至合浦嘔血死璜以晃壯勇欲赦之晃前殺修則則子允固求

殺晃晃亦不為璜屈乃斬之奏以允為合浦太守

晉

世祖太康二年冬詔定兵防珠禁

晉書吳既平陶上疏

曰合浦郡土地磽确無有田農百姓惟以採珠為業商賈去來以珠貨米而吳時珠禁甚嚴慮百姓私散好珠禁絕來去人以幾困又所謂衆多限每不充今請上珠三分輸二次者輸一粗者蠲除自十月說二月非採生珠之時聽商旅往來如舊上從之

穆帝永和三年

吳建衡元年

丹陽陶璜監軍李勗

督軍徐存會兵合浦以擊交趾

安帝義熙七年夏四月海賊盧循襲合浦進

攻交州刺史杜慧度敗之

隋

高祖開皇十七年冬欽州刺史甯長真入朝

初何稠使嶺南及還欽州刺史甯猛力請
隨入朝稠以其疾篤遣還而卒帝不懌稠
曰猛力與臣約假令身死當遣子入侍其
子長真至是入朝帝大悅曰何稠著信蠻
彝乃至於此

煬帝大業元年春行軍總管劉方及欽州刺

史甯長真伐林邑入其國而還

通鑑劉方新
平交州有言

林邑多其寶者帝乃授方驩州道行軍總
管經畧林邑方遣甯長真等以步騎萬餘

出越裳方新帥大將軍張孫等以舟師出
 北景是月軍至海口林邑王梵志遣兵守
 險擊走之師度閣黎江林邑兵乘巨象四
 面至方乃多掘小坑草覆其上以兵挑之
 偽北林邑逐之象多陷地顛躓轉相驚駭
 方以弩射之象却走蹂其陣銃師繼之林
 邑大敗俘獲萬計方引兵追之過馬援銅
 柱南八日至其國都梵志棄城走入海方
 入城獲其廟主十八皆鑄
 金為之刻石紀功而還

大業三年改欽州為寧越郡

唐

高祖武德五年改寧越郡為欽州總管府

夏四月己未隋鴻臚寺卿寧長真以地來降